

Wed 26<sup>th</sup> Oct 1898.



大清光緒廿四年

本館新開除禮拜外日出一  
紙外埠均可寄致本館取  
本館外埠均可寄致本館取  
閱如外埠閱報加送外費不  
開除日本從英國採辦釘書  
惜工本從英國採辦釘書裁  
紙各機器以待與英各官紳  
刊印書籍單件並有英各紳  
體活字及各式花邊等延有  
西人排印工藝甚精所有中  
西文字均能刊印並精工刊  
印字大小機器均用精工刊

第五千零七十八號

# 申報

(號七第牌門口虱巴舊在設開館本)

印工緻絕倫並延有文士書  
寫各種文字現由上海購到  
刊佈所有各項價甚相宜再  
本館所登各項原稿其有不  
世道人心者附登否亦須無  
礙於人而後始錄其有謬  
成文以及支離費解者概不  
登錄嗣後諸君來札尚祈  
自諒更須寫實里而後敢  
將原稿收回也本館謹白

戊戌九月十二日

大英一千八百九十八年十月廿六號 禮拜三 每張售錢五文 每月一元 每季三元 每半年六元 每年十二元

## 中國重興海軍當變制仿英議

昭文劉永昌撰

今地球上無不有海軍若英若法若德若俄若美若日本各恃其船堅炮猛縱橫馳騁於大地球上而爭  
渥黃海黑海之權即較小如瑞典與俄國如挪威與俄國如土耳其亦各有兵艦守國護其口岸我中國自威海  
被陷舉連年所費數千百萬之鐵甲魚雷快船一朝拱手而授諸敵人由是彼有船我無船彼能來我不能  
往如人之無手足口物之無爪牙沿海七十里遂可直入無稍阻西人職是益銳我病夫我強國五六  
協以謀我德則據膠州基欲進佔我山東全省俄則爭旅大且欲強索我金州要地英則欲拓地九龍矣法  
則欲開通西江矣列國探探奪奪來肉肉當道諸鉅公洞中邪之削弱林外侮之侵逼始汗且喘然悟成軍  
之不振由於無海軍乃議重整海軍分向英德兩國製造廠訂購魚雷快船其工竣回華即可屹然成軍  
但非改定章程選將帥仿照泰西成規勤加操練恐仍不足與諸強國爭雄海上泰西立國全以海軍為  
基德其練兵之法精益求精固皆不遺餘力而其兵制之善百密無一疏百利無一弊則全球上尤以英為  
最英之練海軍也先於水師學堂肄業專其藝以明其理後乃到船習練行其法而悉其事日有課月有試  
升有序降有條以故有膽有識有智有勇令肅威行矯捷忍驚明測算以知路行之遠近驗氣候以悉風塵  
之有無習準頭以期炮彈中之製船網以禦水雷之轟船以及海道闊狹沙線長短歷歷如數掌上螺紋  
不爽一黍平日操練又常作爭戰狀如臨大敵或調集兵船別為二隊分作據守爭奪之狀 前年英國調  
集兵船一百一十艘教其操練斯時適德皇赴英游歷因即作壁上觀但見兵船分為二隊一作據守埃爾  
蘭海島之勢一作英軍爭奪此島之形自西歷八月十五日開操十日收隊 或船列四行船首向外若預  
備開仗然錯綜參互大小疾遲神而明之變幻不窮其尤勝者他國水師兵丁兼充水手英國則行船另有  
水手不分行兵丁之力 英國水師軍中有童子軍七千餘人在船學習駕駛 故其勢雄力足能駕乎法德  
俄美之上中國從前辦法與英制多不同其致敗之禍實由此起點英國之制海軍可以節制陸路而陸  
路不能節制海軍蓋海面遼闊軍情瞬息百變必非陸路所能遙制今中國則海軍提督節制受疆臣制  
不能擅行一事轉輾電稟牽掣萬分貽誤軍機莫此之甚其可變者一英國兵艦一氣聯絡全以海軍提督  
為樞紐無此疆界之分一有變起互相策應今中國則南北各自為軍閩廣亦不相習聲氣不通通指臂  
不相使北艦被困南艦坐視而不之救分支愈多債軍愈甚其可變者二英國兵船管帶全由水師學堂出  
身其於重斡算天文地理諸學肄業有年乃得積累而升今中國則管帶半由貴族而得其於水師學堂出  
日毫無根柢安能爭勝於海天浩蕩之中其可變者三英國船塢最多一有損傷隨處可以修理今中國則  
除旅順福州原有船塢外別無可以修船之處一為敵踞則我船不能歸塢修理數戰之後多船全廢其可  
變者四英國水師費用在歐洲最無虛糜各兵艦應發之餉應備之物皆由海部分給今中國則全由各管  
帶分向支應所領銀包辦致弊竇由此叢生 各兵船月有公費銀數百兩為船上油機器等用今為管帶  
所包船上機器應油不油致易損壞後廢機亦致生鏽 其可變者五英國兵船紀律最嚴自將領以至  
兵弁皆不准無事登岸閒游及往宿惟禮拜日可給假登岸亦不准留岸住宿今中國則管帶官常不在船  
岸英國兵艦無一小艇泊灣軍政寬嚴於此可見 其可變者六今欲重整海軍宜即以英國為法海軍提  
督但聽樞府之號令不受疆臣之節制兩國既下戰書即許便宜行事尤應統籌全局沿海七省團成一  
大軍無事則分道巡游有事則聯為一氣不得稍分畛域庶使節節靈通氣聯絡一方告警全軍立至并  
多設水師學堂延西師分門教授已升至第一班者即令出使大臣率往英國精習海戰俟其歷練既深乃  
拔其志趣遠大識慮警敏心地純實功力精進膽氣堅定身體堅壯者派充管駕海軍既成又應多籌船塢  
沿海各地各宜分設大小兵艦船塢長江以內亦宜分設中等船塢俾處處可以入塢修理且船上發給兵  
餉尤應專派管理一員監司其事不准管帶官絲毫染指如是則兵餉各足人人樂為我用海疆有事乃可  
得其死力船上自管帶以次尤應嚴申紀律毋許任意登岸諸弊盡除乃特備一總統大員督率諸兵艦練  
習海戰操陣務必精演戰務必準準英國兵艦中之良法務必應有盡有先聲所播足見支那自強無限已足

以隱折各國瓜分鬻割之心數年之後自可恢復海權而為東方雄國矣  
德皇遊電 ○本坡實得力太晤士西報接初十日英京來電云德皇現在已由土京啟程前往聖地云云按所謂聖地者即邊尼士丹  
乃回教祖穆罕默德墓道所在也

英京電報 ○本坡實得力太晤士西報接初十日英京來電云英國護爵羅公昨對眾云余於一千八百九十五年居首揆之時英國  
廷臣兀禮在巴士地方宣論時經有言及業已警告法國不得侵取乃里河一帶等詞今乃里河之役我英大費兵力始將庵打萬攻下若余今  
日向秉國政則雖絲毫便宜亦不能被他國佔却也然若他國有心與英結好則須回憶前年我國警告之詞萬不宜肆所欲為以至大局為之  
震動也同日來電又云英廷已發傳單約集諸廷臣於十二日會同議事云云按傳集廷臣議事一則非有絕大要務則無是舉今英廷竟有此  
事意者果因花梳打一役而致者歟

奧京電報 ○本坡實得力太晤士西報接初十日英京來電云奧京大醫院內之總醫生及其副醫二人近在考究核症源流所內取  
核症之種細行查究乃不意竟被傳染該兩醫皆患核症後先而殞此外又有兩婦乃在該院內照料病人者亦患是症而亡然則此症之兇亦  
可令人聞而生畏矣

越裳錄要 ○越裳來信云西本月十七號晚間宅那有危險會黨三百餘人潛行聚議事為有司查知立派巡差往捕時該會頭人正  
在宣諭之際巡差忽至眾見差少竟相與為難諸差大為所窘幸後隊續至乃得將會匪七十四人執獲計時紛擾二點鐘之久翌日即將所獲  
之眾解送公堂訊畢後判發小崑崙苦工二年期滿之後再將其驅逐回華所有諸人等在越之家私物業概行充公以示重儆來信又云該處  
近有匿名揭貼甚多皆言有司禁賣烟灰之事欲與國家為難至於有司在各處搜獲會黨之旗幟票布等甚多而十九號宅那忽然起火所焚  
甚廣計被災之處以全境而計竟至四分之一之多或謂此火亦會匪所縱不知是否

齊智被逐 ○本月初五日暹羅國家會將齊智人一名逐回叻地查其故係緣該齊智人在暹犯案經官判定着其覓人具保五十磅  
俾不得再滋事端詎竟無肯署保之人故特將其驅逐也  
不死聯姻 ○美國人利瑞挾其不壞身之術邀遊列國當場試演或以刀割或以針刺或以鎚擊不惟不傷而且不痛惟每到一處先  
將其所演之齣頭按定價目列單分送而好事者輒招同志鳩集足價令其演所欲觀之劇茲據倫敦西報載稱利某有最奇之劇一齣必須鳩  
至英金一百磅渠始開演月前在英國知亞拿省開演此劇不獨眾口交稱且得天然佳偶蓋利某甫蒞該省即對眾云譬如有人控礦五尺將  
子活埋於其中但留口竅一孔透出礦面以通呼吸聞八晝夜子能不死然如此劇非金百磅必不演也聞者集資競欲先觀利某遂令大眾如  
法舉行有英籍女名威那者深閨待字家亦小康既在出資之列獨存不忍之心逆料利某自茲以往與世長辭每早親往散擲鮮花於礦面蓋  
所以弔其死也至第五早該女當撒葩之時作嘆息之聲利某聞知詢云何人在此威女既述姓氏并道生憐之意利某又云予本庸材荷蒙注  
愛俟出礦之日與爾聯姻可乎威女許之期滿出礦利某果與威女聯秦晉之歡焉夫人苟絕食八日難望生全而况葬身於泉壤之內耶予於  
既譯之後竊思天壤雖大要惟利某有此幻術且惟該報演此奇談也

公善堂紳董與紅十字總會書 ○震旦羊城公善堂同人敬拜致書於紅十字會同人閣下寅啟者考文字之紀載地球人類由草昧  
而進文明由極瘠而進禮義漸入佳境隨時出新謂可美矣但兵燹不弔則害人之費用多於養人之費用恒聞以巨金製武備者罕聞以巨金  
與文學者兩相比較輕重不倫地球人類生計窘矣夫日夜不息與寒暑燥濕相戰鬪以衣服為甲冑以宮室為營壘即合地球上十餘萬萬  
人共成一軍全軍一心亦難敵寒暑燥濕不克登仁壽之域况乎自相殺戮耶大抵人類之滅絕不在地震不在洪水不在彗星而在人心之惡  
念已本堂不自量力在羊城倡言公共互相保火險之法此法行之於一省非難如粵東之關姓票耳行之於大地非難如西班牙之呂宋票耳  
有人謂此法推廣可以弭地球之兵燹華歷光緒二十四年戊戌二月廿二廿三等日香港華字日報曾申明此意貴會深通華文者諒不乏人  
請取而譯看之夫兵燹者一絕大火險能燒城市能燒商務能燒人命云耳設使公共互相保險推行廣大地球十餘萬萬人之身家財產  
如碎石然用重學努力結成一絕大橋拱公共互相維持於不墜雖有亞力山大拿破倫第一復生亦難用武如此則太平之局可早見與兵之  
會可速成是故紅十字會乃焦頭爛額救火於已然公共互相保險乃曲突徙薪救火於未然也以焦頭爛額之忠誠行曲突徙薪之智慧地球  
弭兵之事將必成於貴會善士之手矣謹將本堂所立羊城公共互相保火險大畧開列呈覽懇求教正推行

南美洲野番記畧 ○西六月四號紐約工藝報云南亞美利加洲亞馬信河之上游有支河名星橋俱為烟塵野番居處與世隔絕近  
數年始有人知其情狀野人未開教化不識金錢用石作鍾以為器械前數十年游歷者土地文借數人往探此地至九十六年德人靴文米亞  
往探歸而作一記云余自六月借醫士卡士蘭並十餘人驅馬四十餘頭歷巖叢葦葦遊於野番之地初由姑野罷啟程沿途行獵所過皆豐  
草長林其地其時酷暑人畜疲倦忽至一青溪樹林陰翳各人皆欣慰釋驛馬鞍甲卸行李將帳幕高展懸床於樹執爨烹所獵之禽獸為糧食

往探歸而作一記云余自六月借醫士卡士蘭並十餘人驅馬四十餘頭歷巖叢葦葦遊於野番之地初由姑野罷啟程沿途行獵所過皆豐  
草長林其地其時酷暑人畜疲倦忽至一青溪樹林陰翳各人皆欣慰釋驛馬鞍甲卸行李將帳幕高展懸床於樹執爨烹所獵之禽獸為糧食

往探歸而作一記云余自六月借醫士卡士蘭並十餘人驅馬四十餘頭歷巖叢葦葦遊於野番之地初由姑野罷啟程沿途行獵所過皆豐  
草長林其地其時酷暑人畜疲倦忽至一青溪樹林陰翳各人皆欣慰釋驛馬鞍甲卸行李將帳幕高展懸床於樹執爨烹所獵之禽獸為糧食

畢夕陽既下酌茗與各人縱談及宿令從者更番守望流連數日乃行且日獵月餘始到蔗酒巴河遂將驛馬行李分人駐守焉及假得土人樹皮艇數艘各人乘船既遊泳經過急流高灘百餘處艇為之覆幾溺者數四艇中所携服物已多漂沒沿河而行經二十三日至倫島旁河廣千尺見有一村落是野人所居者此人無教化與世隔絕不知金鐵列屋而居其顏色亦歡悅多在河邊捕魚蝦為食用石鋤泥以種穀穀既熟則用石錘脫其壳以爲糧數人住一茅菴菴頗廣潔其築屋先用木作架後用茅草蓋覆以繩懸床而宿男子肩闊身健好以顏色油面頭頂髮近耳際則重短髮以雞毛插髮上有樂事以跳舞爲歡年豐多收穀或多獲魚蝦或營新屋或女子穿耳則跳舞歌唱其聲甚異如禽鳴獸啼擊竹箭爲樂昔時野人俱帶弓箭跳舞有小忿即以此相鬪後會長禁不得狹箭跳舞又常身披木人爲戲余曾將其戲態繪映一畫余遊六閱月俱在星橋河左右於近河干地住之烟塵野人分十種余悉將其山川形勢物產土宜詳究焉並有珍寶圖書携歸歸期即是年十二月也 錄博聞報

示知獎勵

欽命二品頂戴江南分巡蘇松太兵備道蔡爲出示曉諭事奉南洋通商大臣兩江總督劉札光緒二十四年六月二十一日准兵部火票遞到總理各國事務衙門咨開光緒二十四年五月十七日奉 上諭自古政治之道必以開物成務爲先近來各國通商工藝繁興風氣日開中國地大物博聰明才力不乏傑出之英祇以困於舊習未能自出新奇現在振興庶務富強至計首在鼓勵人才各省士民

著有新書及創行新法製成新器果係堪資實用者允宜懸賞以爲之勸或量其才能試以實職或錫之章服表以殊榮所製之器須給執照酌定年限准其專利售賣其有能獨力創建學堂開闢地利興造槍炮各廠有裨於經國遠猷植民大計並著照軍功之例給予特賞以昭激勵其如何詳定章程之處著總理各國事務衙門即行妥議具奏欽此本衙門當於五月二十五日遵 旨議奏是日奉 上諭前經降旨各省士民著書製器及捐辦學堂各事給予獎勵諭令總理各國事務衙門妥議具奏茲據該王大臣等議定詳細章程開單呈覽所擬給予世職實官虛銜及許令頒賞匾額各節量能示獎尚屬妥協著依議行即由該衙門咨行各省將軍督撫通行所屬將章程出示曉諭以動觀聽而開風氣朝廷鼓勵人才不靳破格之賞似應嚴防濫用所有著書製器各事該衙門務當認真考驗嚴定罰懲以期無負振興庶務實事求是之至意該衙門知道單併發欽此相應恭錄 諭旨照錄原奏章程咨行欽遵辦理等因到本大臣承准此查富強之原重在開物成務中國自通商以來器數講求愈密工藝較前益新足見智慧才能可與歐洲之人競勝現值 國家開通風氣鼓勵人才有能者新書製器之人及捐資以創學堂任力以闢地利興造槍炮各廠以裨軍國大計者皆不靳破格之賞凡屬士紳商民人等必能仰承 明詔各殫財力共策振興 國勢人才自下蒸蒸日上遵奉前因除分行外抄單札關遵照速刊告示通飭各屬一體曉諭俾眾周知等因到關奉此除分別咨行並飭屬一體示諭外合就開列詳細章程出示曉諭爲此示仰各項士民及工商人等一體知悉如有著新書造新器有裨日用者准其報送考驗聽候詳咨照章給獎以示鼓勵毋違切切特示○計開詳細章程 第一款如有自創新法製造船械槍炮等器能駕出各國舊時所用各械之上如美人爭祿成輪船美人余林士享海底輪船照樣炸藥包砲德人克虜伯鍊鋼鑄砲德人刷可由魚雷英人亨利馬蹄尼快槍之類或出新法與大工程爲國計民生所利賴如法人利涉鑿蘇彝士河建紐約鐵線橋英人奇路洋大西洋電線美人邁學慎德律風之類應如何破格優獎俟臨時酌量情形奏明請 頒特賞並許其集資設立公司開辦專利五十年 第二款如有能造新器切於人生日用之需其法爲西人舊時所無者請給工部郎中實職許其專利三十年 第三款或西人舊有各器而其製造之法向未流傳中土如有能仿造其式成就可用者請給工部主事職銜許其專利十年 第四款如有著新書貫通中外政學深明治體綱舉目張切實可行於今或能博徵時務發明經義源源本本有功聖教者請特恩賞給翰林院編檢實職或派往各省學堂爲總教習 第五款或著新書發明專門之學如公法律律例農學商學兵法算學格致之類確有心得者賞給庶吉士主事或書實職發交總署及出使各國大臣各洋務省分置材器使或派往京師及各省大學堂爲專門教習凡每一人上著書必在二十萬言以上乃得請獎以村冒濫既得獎後其書亦准自刻專售二十年 第六款如有獨捐巨款興辦學堂能養學生百人以上者請 特恩賞給主事或給卿銜能養學生五十人以上及募集巨款養學生百人以上者請 賞給主事實職並題以示鼓勵 第七款如有獨捐巨款興辦藏書樓博物院其款至二十萬兩以上請 特恩賞給世職十萬兩以外者請 賞給主事實職並給匾額如學堂之例 第八款其捐集款項湊辦學堂藏書樓博物院等事僅及萬金以上者請 加恩給以小京官虛銜 第九款如有獨捐及募集巨款開闢地利若干設建槍炮廠每日能製槍炮若干視工用之大小款項之多寡爲獎給之等差一如第七款之例 第十款以上各欸分別請獎之例皆就未得官之人而言若已經授職人員則遵奉 上諭照軍功例請就原官超權惟欸中所有特恩各字樣則已仕未仕皆同一律 第十一欸凡請獎之例或由本人將所製之器所著之書所辦之事呈明總理衙門查核奏請辦理或由京外大員將所製之器所著之書所辦之事奏請交總理衙門查核辦理 第十二欸凡著書製器各事必由總理衙門認真考驗實屬新書新器乃得給獎捐辦各事必行查地方官所辦屬實乃得給獎若有剽襲陳言冒充新書新器及與辦各事捏報不實等情自應從嚴嚴駁斥顯暴於眾以愧恥之若竟僥倖得獎一經查出除撤銷獎案外仍當嚴示懲創已得官者革職治罪未得官者另行酌罰重欸禁錮終身原保大臣分別議處 龜咯劫殺案 ○客有由龜咯來者云有潮人麥勝隆於此開設雜貨店爲生家有一妻一女同住店中麥近來復設一魚寮每夜遣伴

往寮住宿店內祇麥及其妻女居住去月廿七晚八點餘鐘時店門已閉忽有穆拉油及武吃人四名扣門甚急聲稱買物麥乃開門納之詎門甫啟其人即以利刃當頭斫下麥不及防因被斫傷要害匪徒連斫不已因將麥斫傷胸前三處背後一處并斷去左手五指異常兇慘時麥妻女見此情形不致出盜乃傾箱倒篋飽掠而行計被劫去銀物及貨等共值二百餘元盜去後麥妻始敢呼喚并尋伴回將夫扶起詎時已經斃命登即將情赴案報聞嗣由柔佛國家派有幹差到龜咯查察因捕獲武吃人馬申一名解往柔佛訊問今猶未經訊定也

案待補詞 ○生長爪亞閩人邱陳氏於初十夜赴差館報稱住居小坡亞兒巷第四十號門牌是夜有閩人徐坤孫羣二人突入家中槍去金簪二枚鈕扣二粒共值銀三十六元五角等語報畢即引差回家查勘至中途適與徐孫相遇因向差指告而執之詎徐孫到差館後其供與氏大相逕廷究未悉孰是孰非旋由差館將此兩人暫且羈留命氏補詞再行立案也

黃堂紀案 ○前報閩人林展在牛車水大馬路被同籍人蔡昌曾國順槍去暹被旋被暗牌截獲一案十一日已在府堂訊定判禁各禁四閱月○前報粵人洪義明於去月初十日被三百九十一號馬車夫與呂人南砂棉之車碰傷至本月初七日斃於醫院之內一節同日府尊提訊以被告雖執執惟并未入有原告証供礙難據而審訊且被告在羈已踰一月照例須將其開釋若須控究則再行執捕重新立案方能研究因判將被告開釋迨出府署即經巡差將其再行執獲送回差館以候另行立案○本坡陸旗山下打石局界址四至設有路燈其燈係用明火燃點不意近來每每被入將燈竊去該局無奈乃專僱吉寧人二名暗中巡察至本月初二夜有潮人侯亞東盜竊甘公嗎珍界之路燈同時復有瓊人黃亞福亦竊里峇峇釐路界之燈因均被獲同日府尊訊畢判二人各禁半年○是日為傳訊工局控案之期計本期內所控地方不潔之案又計一百三拾起之多訊畢後照常辦理判各罰銀三數元了事

四續審官定職摺 ○第一十二條十五道監察御史 一統之世郡縣星羅不能不置置長官層層節制而君與民日遠國與民日分官與民不相習民與民不相聯其弊也弱古人知其然曰吾時有以通氣脈而起痺痿者故有郡縣即有監郡御史通典謂秦御史監郡謂之監察御史是也 國朝本唐宋明代監察之制御史職在出巡巡鹽巡河巡撫俱係專差惟巡按為第一要任雖裏行未遣之員仍依直省分道康熙中天下無事巡按停差初時猶令督撫代巡而無秋毫之益有無窮之累旋即停罷不得已而親巡夫任人則逸任已則勞天下之大輒迹難周則耳目不能不有所寄顧矣武日知錄謂監察巡按深得西漢部刺史之意且謂察吏安民之效已見於有明三百年非虛語也查巡按之善全在秩卑而權重御史與行省督撫一照臺規體制更無漢時以卑臨尊輕重不相準之嫌謂宜復舊制每省差巡一員由在京各衙門公舉年壯才明廉勤公正御史咨都察院稟請簡派不足則取之部院五六品官兼監察御史尚如學政例選轉仍照本官考成歸吏部都察院兩年一代不可留任限定巡費不必報銷常年周流不必建署其職掌大綱有三一曰考核二曰制置三曰宣布凡考核三條一官方貪酷糾劾尤要二吏課農商新政尤要三民情民教交涉尤要凡制置六條一刑名斷治冤獄清理京控二盜賊督察奸詭解散勾結三屯牧四圍練所至簡閱附循其忠義釐定其約束賞罰五賑濟辦賑宜速費既少而有實惠傳車周流目擊困苦無待轉輾查勘致成重災六撫郵撥賑粥廠養老育嬰郵塾等善堂旒醫疔痘等義舉所至勸辦凡宣布四條一 新詔變法圖新事事皆教養實政大小臣工猶煩 諭旨再三訓誡況士民偏隅僻處耳目未通聞改學校則疑於廢經變科舉則疑於棄土用機器則憂人工之失利開商局則慮小販之失業惶惑疑沮勢所必然惟巡按

政章程刷印宣播而征取部章地方官利於浮派尤不肯令周諮故上取一下取十籌款一次動至竭澤而漁更宜逐處曉諭頒示明禁三新書教士書宜詳教俗書宜簡簡則頒行易廣流布易周西人最得此法則所謂治國要務富國養民策者皆不過淺近通俗之書宜仿此意推廣頒布徧開風氣四新約傳教訂約已數十年而百姓尚以摺擊洋人為忠義中日事起教案疊出而所毀多泰西之教堂雖由愚民鄙陋匪徒煽惑實亦無詳知世務通達政體之有司為之教導於平日巡按所至剴切曉諭並將中外通商始末之由現時各國修好之誼及人民互相往來萬無歧視之理傳教祇期為善斷無巨測之情刊發條教令相勸戒庶民信既孚民氣自靖不至再有教案矣 第十三條布政司 布政司事繁責重察吏則實缺數百候補數千人人人應考核其職事察其才品理財則起存正雅之鈞稽部餉軍糧之籌措及一切興利除弊責有攸歸而洋務海防農工商礦諸大端尤為千頭萬緒近又裁局所裁鹽糧各道兼領餉餉務益繁然使照常循辦雖人兼數十差日理數百件但能書諸而事已行實吏為之也若欲認真振作加倍勤奮猶恐不足以盡本職實吏不能為也查康熙六年併左右布政司裁直省吏攬承差三千八百餘名今藩署科房多至二十餘所額外書吏至數百人無益新政有害吏治亟宜大加淘汰酌留十數名但司書算而設布政司參議二員分理庶務所有首領官經理問都事均可裁去公事案牘立限清理五六年以前未經報銷者分別補造免造參追無著者查明豁免以後文册釐定簡明格式期於易辦省具文實實事治道庶可成矣 第十四條按察司 外省辦事曰吏曰幕幕權重於吏弊亦較甚而臬幕尤通

省刑幕之淵藪夫獄訟原須參決難特獨斷西國用律師我 朝用佐貳刑幕今日之教習非法也按察司舊有四品副使五品僉事本無定員今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完

今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完

今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完

今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完

今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完

今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完

今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完

今宜酌設命事一二員義理刑案不准再延幕友其各省臬局亦併入臬司衙門不必由首府兼領 此摺仍未完



告白誤字錄正 ○前日平耀局送來告白一紙內載泗水諸商捐項中有林傳英捐銀五元誤作五十元茲據該局前來聲明除將告白照改外并附數言以正其事  
廈門平耀駐叻籌捐董事公啟

配米赴廈平耀續報 ○啓者八月二十六日托安南續辦南白米三千包重五千担由香港轉廈合即登報  
大清光緒二十四年九月十二日

實勝越禁止載運日銀入口示 ○特諭通知西本年屋多末月十八號實勝越國家新訂一章此章立後凡屬日本銀元概不准載入實勝越地方倘諸式人等有載運此銀入口者即將其銀充公特此佈告  
西一千八百九十八年屋多末月十八號  
在實勝越居精榜示通知

旺梨園出投 ○啓者茲定於慈民末月八號即華本月二十五日禮拜二下午二點半鐘在本館內拍賣 旺梨園地一坵坐落淡申律距坡約有七英里之遙大約有一百二十六希葛但該園地附近武吉加籠之處內有少許土糝雜其中 諸君有合意購買者其拍賣章程應俟屆期再行通佈此達  
大清光緒二十四年九月初十日  
吧越館主謹啟

敬告求書 ○張君鶴棧鄰江之風雅士也幼就學於施少愚太史之門遂得筆法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現假寓於豆腐街順昌隆行中余忝知交有素敬 獻數善於報端以俾同好者知方換焉可  
光緒二十四年九月初六日  
友蘭居士陳少亭佈

退股聲明 ○啓者茲新嘉坡漆木街門牌第三十五號乾泰號並金榜大馬路門牌四百三十六號廣德生醬園今將全盤生理項與兩益堂承受所有欠到各寶號貨項揭項借項會項一概歸兩益堂支理至本埠及外埠各寶號欠到乾泰廣德生賬項亦盡歸兩益堂收理特此聲明以免後論  
光緒二十四年九月初三日  
乾泰號 廣德生謹啟

承頂聲明 ○啓者茲新嘉坡漆木街門牌第三十五號乾泰號並金榜大馬路門牌四百三十六號廣德生醬園全盤生理貨物賬項舖底什物一概歸我兩益堂承受凡有欠到各寶號貨項揭項借項等件祈早日報明歸兩益堂支理至本埠及外埠各寶號欠到乾泰及廣德生各賬項亦盡歸兩益堂收理今兩益堂將乾泰及廣德生兩字號加多信記二字照常貿易凡以後來往數目俱用乾泰信記圖章爲據特此聲明以免後論  
大清光緒二十四年九月初三日  
兩益堂謹啟

北慕娘國家招人承充餉碼告白  
啓者茲北慕娘國家欲招人入票承充以下所列各餉碼其票當於西一千八百九十八年慈民末月十五號以前送交仙那港輔政司署以憑選擇至此餉碼係承充一千八百九十九年一載爲期茲將各碼開列如左  
鴉片烟餉碼 酒牌餉碼 當舖餉碼 北慕娘出入口稅餉碼 北慕娘賭碼  
西一千八百九十八年九月二十四號 一 二  
北慕娘國家駐紮新嘉坡代理人牙甫里洋行謹啟

所有一切詳細情形可向本行詢問便能知悉特此佈告

- |               |            |          |          |           |
|---------------|------------|----------|----------|-----------|
| 酒水華商捐助廈門平耀芳名錄 | ○美源號捐洋四百元  | 王丙丁捐洋三百元 | 蔣合德捐洋三百元 | 蔣報義題捐洋三百元 |
| 宏源號捐洋三百元      | 新泰美捐洋三百元   | 吳何水捐洋三百元 | 承綿利捐洋三百元 | 義和號捐洋三百元  |
| 甘飲棧捐洋二百元      | 福聯昌捐洋二百元   | 蔣合春一百五十元 | 蔣備求一百五十元 | 王振煥一百五十元  |
| 如春號捐洋一百元      | 楊世遠捐洋一百元   | 隆昌號捐洋一百元 | 陳清標捐洋一百元 | 昆成棧捐洋一百元  |
| 仁天堂捐洋一百元      | 美南棧捐洋一百元   | 陳鍾陵捐洋一百元 | 曾啟明捐洋一百元 | 黃春夏捐洋一百元  |
| 張立昌捐洋一百元      | 林三水捐洋一百元   | 運度號捐洋一百元 | 德春棧捐洋一百元 | 周炳旭捐洋一百元  |
| 薛禮報捐洋五十元      | 周祖祿捐洋五十元   | 黃昆孫捐洋四十元 | 陳奇信捐洋四十元 | 葉炳澤捐洋四十元  |
| 黃克昌捐洋二十元      | 蔣合順捐洋二十元   | 蔣報策捐洋二十元 | 蘇玉汲捐洋一十元 | 王若善捐洋一十元  |
| 林傳英捐洋五元       | 總共○六千零九十五元 | 上下相抵     |          |           |
- 開買緣部紙去銀五盾 開五月二十七日報電局去銀二盾六五 開貼望電去銀一盾五三 開車仔稅計去銀一盾零六  
開九月初一日報電局去銀二盾七五 開貼望電去洋一盾五三 共洋十四盾四七 折英洋十二元四角二占  
廈門平耀駐叻籌捐董事公啟

**精製眼鏡告白**  
 ○眼科之理甚微筆難闡述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再於土庫花園邊末打里路第三號門牌內創設查考眼目之房一所每日由上午十點鐘起至下午四點鐘止均在此處接教至於尋常眼目之眼鏡則每對僅沽銀三元凡諸君到請查驗眼目者概不受謝併此佈告  
 西歷一千八百九十八年十月十號  
 刺沙勝士謹啟

**聲明白告**  
 ○啓者本號營謀店口之生理并出水至今有五十餘年之久與各寶號交易分文無差自丁酉年荔月開用甘仲在店充當雜役嗣命其暫理買賣及收數等事後因見其行為不合故經將其辭出乃近日查得偷收積石仔裕美號去銀五元又偷收小坡允隆號去銀十三元又與福雙春頭家通知走路拖欠去銀二百餘元并且四佈謗言甚為不法可惡至極業由本號赴案報明以候拘究茲特附報聲明其事 各寶號有與本號交易者若有賬項切勿誤交該辭伴甘仲之手而甘仲在外與人交易往來一切俱為經手是問與本號無干先此聲明免滋後論  
 大清光緒二十四年九月初六日  
 長泰號謹啟

**帆船出投**  
 ○啟者本號有和蘭旗一枝半桅帆船一艘名錦鯉堪載肆拾伍車船身及桅檣是惹智柴船底銅板現泊在丹絨中港內諸君如合意欲買者請移 玉至本號內相商此佈  
 光緒廿四年九月初五日  
 振芳號告白

**承頂聲明**  
 ○啟者新嘉坡大坡貢石街門牌 A 廿三號張鈺生翁承同發號生意茲因張鈺生翁志圖別業願將該生意舖底傢器全盤頂與黃星南承受任從開張廣安泰字號經營木生理業已交易清楚倘張鈺生翁承同發號有與 各寶號來往數目惟向經手人張鈺生翁支理與廣安泰號無涉先此聲明免滋後論此佈  
 大清光緒廿四年九月初六日  
 廣安泰黃星南謹啟

**時雨軒藥酒發售**  
 蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止腫痛大樽價銀一元小樽價銀五角及婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒精心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可也  
 大清光緒廿四年六月廿九日  
 時雨軒主人謹啟

**藥店召頂**  
 ○啓者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得  
 光緒廿四年七月初三日  
 叻報館代啓

**草聖暫駐**  
 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海及金榜箋紙寄售  
 光緒廿四年七月十八日

**店舖出稅**  
 ○啟者茲有店舖一間坐落溝仔窰第廿五號門牌即順源棧之隣前經該棧稅為貨棧者茲欲將其樓下及後樓出稅與人 諸君有欲稅住者請至墊邦路頭豐興號內向余詢問便得特此佈聞  
 光緒廿二年十月廿四日  
 薛連錫謹啟

**新印台灣地圖寄售**  
 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已人心所宜亟為攷究者 諸君賜顧請移玉至本館面商可也  
 大英一千八百九十八年七月一號  
 本館謹啟

**豐源號**  
 本號輪船往來各埠船期開列如左 在各埠往實叻日期  
 由麻六甲往芙蓉每逢禮拜二六日中午十一點鐘開行  
 由各埠回實叻之日  
 由麻六甲回芙蓉每逢禮拜二五日上午十點鐘開行  
 由芙蓉往吉隆坡每逢禮拜二六日下午六點鐘開行  
 由芙蓉往吉隆坡每逢禮拜二四日下午四點鐘開行  
 由麻六甲回實叻每逢禮拜二五日下午四點鐘開行  
 各輪船在叻往麻六甲吉隆坡實蘭午 等禮拜五日三點鐘開行特此佈  
 豐源號謹啟

正金鐘標萬蘭池酒發客



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡外埠諸君有欲零沽者請至酒公司沽買便得如買成起以便配往外處者仍可至本行沽買至此酒

本行有厚望焉

大英一千八百九十八年正月十三號  
不殺呼峇即前加珍洋行謹啟


製造之法精妙異常酒味甚清以之蒸釀者皆爲上等之料保無偽充之弊此酒若在本坡沽飲甚屬合宜且價亦甚廉諸翁沽用須爲留心辨明以免魚珠之混現  
新嘉坡嘉東路前紅首冠仔標萬蘭池酒出售  
嘉東路前紅首冠仔標萬蘭池酒出售  
嘉東路前紅首冠仔標萬蘭池酒出售

戊戌年戊戌年

啓者本館新印戊戌年華英月份牌現經告竣至本年刷印所以畧遲之書實緣明年聘期節氣頗有參差本館鑒於前年叨地諸家之誤故有敢冒昧從事爰特按照 欽定時憲由詳加校勘所有差餘氣節悉無訛舛庶得以仰副 諸君子惠顧之殷至於圖畫之式亦已概改舊觀以期一新眼目 諸君賜顧請移 玉至本館面議價其相宜倘欲躉買更當格外從廉特此奉 聞諸惟 惠照

本館謹啓

鐵廚出售



大英一千八百九十七年二月十二號  
不殺呼峇即前加珍洋行謹啟

不殺呼峇即前加珍洋行謹啟

啓者本行所售之鐵廚在本坡馳名已久素蒙 各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻且異常堅固無論火燒盜劫均可無虞貨美價廉莫此爲甚倘 各君有欲購此廚以收藏重寶者可至本行選閱是幸此佈  
英一千八百九十八年正月十三號  
不殺呼峇公司即前加珍洋行啟




Bisquit Dubouché & Co.  
COGNAC


啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以 諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼

售發廚鐵名馳

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購買此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉

明嗎也洋行謹啟

售出品三

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊情殊可恨嗣後 諸君購買本行白頭三品酒者請細認本號招牌之內



有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號

明嗎也洋行謹啟

賣發酒密烏




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟


明嗎也洋行謹啟

賣出酒蜜



啟者本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟





新嘉坡目下各貨行情開列於左

新烟土	一箱	七百四十二元	碗裝粉	上	又	二元六角
上甲錫	一担	四十七元八角七分半	叻叻裝粉	上	又	三元
叻甘蜜落包	又	五元一角七分半	加叻巴大薯粉	土庫上庄	又	二元九角
烏椒	又	三十八元	又二號	又	又	二元四角
泗庄甘蜜落包	又	二十一元七角半	井里汶大薯粉	二號	又	二元八角
巴庄甘蜜落包	又	十一元	白魚翅	大	又	一百六十元
紅乳上	一號	九元五角	白魚翅	大	又	一百二十元
紅乳上	二號	四元二十元	烏魚翅	出辦	又	五十元
紅乳上	三號	三百二十元	烏魚翅	大	又	三十元
紅乳拾港	一號	一百八十元	錫烏石參	出辦大	又	八十五元
軟乳	上庄	一百一拾元	烏石參	中	又	七十五元
白乳	一號	三十元	白石參	出辦	又	九十五元
白乳	二號	八十元	烏石參	中	又	五十六元
白算乳	一號	一百八十元	烏石參	中	又	五十六元
白算乳	二號	一百二十元	有肉參	出辦	又	三十五元
三架校烏牛角	上	十三元七角半	有肉參	中	又	三十五元
暹赤牛皮	一號	二十五元五角	丹黎末	出辦	又	四十五元
暹赤牛皮	二號	二十二元五角	丹黎末	脫大	又	三十二元
安南赤牛皮	上庄	二十一元五角	烏參	未脫大	又	六十五元
仰光赤牛皮	上庄	二十二元七角半	有烏參	大	又	五十五元
仰光赤牛皮	一號	十六元五角	有烏參	中	又	四十五元
水牛皮	一號	十二元半	赤貨參	中	又	二十元
惠安新絲	天泰上	五百零五元	赤參	大	又	十八元
惠安新絲	中庄	四百七十二元	梅花刺參	出辦	又	十四元
汶內新絲	上庄	四百六十元	梅花刺參	中	又	四十四元
新州新絲	上庄	三百九十元	四方刺參	上	又	二十六元
新州新絲	中庄	三百六十五元	四方刺參	中	又	二十五元
新廣義絲	上庄	三百七十五元	虫參	上	又	二十元
手袖絲	上庄	三百四十元	虫參	中	又	二十七元
青賜絲	上庄	七元九角	刺參	中	又	十四元
高低慈合藤	上	十三元	刺參	上	又	十四元
把貨藤	上	七元六角	灰參	中	又	六元五角
椰肉干	上庄	七元四角	灰參	上	又	八元五角
椰肉干	中庄	七元二角	玳瑁一號	上	又	十四元
老榜帶壳	上庄	九十二元	玳瑁二號	上	又	十四元
老榜仁	一百十斤	七十二元	大公瑁	中	又	八元五角
泗水鳳尾土庫	上庄	十二元半	小公瑁	上	又	六元八角
錫瑁嗎	烏	十七元	狗仔瑁	上	又	五元二角
錫瑁嗎	白	五元五角	薄玳瑁	上	又	二元八角
錫瑁嗎	舊港	十八元	薄玳瑁	中	又	二元四角
玳瑁嗎	舊港	二十一元半	海菜	西毛	又	一元
井裡汶芬義奕庄	又	二十五元	東洋白蠟	又	又	二元八角
東務芬大標	又	二十九元半	東洋白蠟	又	又	二元八角
麵粉綠標	每包	二元五角二分	東洋白蠟	又	又	十九元五角
麵粉三標	又	一元八角	末流老白燕	上	又	七元
麵粉三標	又	一元八角	末流老白燕	中	又	十五元
甲大薯粉	源通每担	五元六角	寶順越老燕	上每担	又	一百八十元
甲中粒	上	四元四角	犀牛角公大	一斤	又	七十五元
甲幼粒	上	四元二角	犀牛角母總	又	又	五十六元
甲幼至	上	四元二角半				

光緒廿四年九月十一日 叻報 館

